

नि षू न॒माति॑मतिं कय॑स्य चि॒त्तेजि॑ष्ठाभि॒रणि॑भिर्नोतिभि॒रुया॑भि॒रुयो॑तिभिः ।

नेषि॑ णो॒ यथा॑ पु॒राने॒नाः श्रू॒र मन्य॑से ।

वि॒श्वानि॑ पू॒रोरप॑ पर्षि॒ वह्नि॑रा॒सा वह्नि॑र्नो॒ अ॒च्छ ॥ ५ ॥

प्र तद्वो॑चेयं भ॒व्याये॑दवे ह॒व्यो न य इ॒षवा॑न्मन्म॒ रेज॑ति रक्षो॒हा मन्म॑ रेजति ।

स्वयं॑ सो अ॒स्मदा॑ नि॒दो व॒धैर॑जेत दु॒र्मतिं॑ ।

अव॑ स॒वेद॒घश॑सोऽवत॒रमव॑ क्षु॒द्रमि॑व स॒वेत् ॥ ६ ॥

व॒नेम॒ तद्वो॑च॒या चि॑त॒न्त्या व॒नेम॑ र॒यिं र॑यिवः सु॒वीर्यं॑ र॒ण्वं संतं॑ सु॒वीर्यं॑ ।

दु॒र्मन्मानं॑ सु॒मंतु॑भिरेमि॒षा पृ॑चीमहि ।

आ स॒त्याभि॑रि॒द्रं द्यु॒म्नहृ॑तिभि॒र्यज॑त्रं द्यु॒म्नहृ॑तिभिः ॥ ७ ॥

प्र॒प्रा वो अ॒स्मे स्वय॑शोभि॒रुती॑ प॒रिव॑र्ग इ॒न्द्रो दु॒र्मती॑नां द॒रीम॑न्दु॒र्मती॑नां ।

स्वयं॑ सा रि॒षय॑ध्वै या न॒ उपे॑षे अ॒त्रैः ।

ह॒तेम॑स॒न्न व॑क्षति क्षि॒प्ता जू॒र्णिर्न व॑क्षति ॥ ८ ॥

त्वं न॑ इ॒न्द्र रा॒या प॒रीण॑सा या॒हि प॒थाँ अ॒नेह॑सा पु॒रो या॑ह्यर॒क्षसा॑ ।

सच॑स्व नः प॒राक॒ आ सच॑स्वास्त॒मीक॑ आ ।

पा॒हि नो॑ दू॒रादा॒राद॑भि॒ष्टिभिः॑ सदा॑ पा॒ह्यभि॑ष्टिभिः ॥ ९ ॥

त्वं न॑ इ॒न्द्र रा॒या त॒रूष॑सो॒यं चि॑त्वा म॒हिमा॑ स॒क्षद॑वसे म॒हे मि॒त्रं ना॑वसे ।

ओजि॑ष्ठ चा॒तर॑वि॒ता रथं॑ कं चि॒दम॑र्त्य ।

अ॒न्यम॑स्मद्वि॒रिषेः॑ कं चि॒दद्वि॑वो रि॒रि॒क्षंतं॑ चि॒दद्वि॑वः ॥ १० ॥

पा॒हि न॑ इ॒न्द्र सु॒ष्टुत॑ सि॒धोऽव॑या॒ता स॒दमि॑हु॒र्मती॑नां दे॒वः स॒न्दु॒र्मती॑नां ।

ह॒न्ता पा॑पस्य र॒क्षस॑स्त्रा॒ता वि॒प्रस्य॑ मा॒वतः॑ ।

अ॒धा हि॒ त्वा ज॑नि॒ता जी॑जन॒वसो॑ रक्षो॒हणं॑ त्वा जी॑जन॒वसो॑ ॥ ११ ॥

ए॒न्द्र या॑ह्युप॑ नः प॒राव॑तो॒ नाय॑म॒च्छा वि॒दथा॑नीव॒ सत्प॑तिर॒स्तं रा॑जेव॒ सत्प॑तिः ।

ह॒वाम॑हे त्वा व॒यं प्र॑य॒स्वतः॑ सु॒ते स॒चा ।

पु॒त्रासो॑ न पि॒तरं॑ वा॒जसा॑तये म॒हिष्ठं॑ वा॒जसा॑तये ॥ १२ ॥